



Radio Rumantsch

Per trutgs e pitgognas

Proposta dad Ursina Ganzoni

Tura panoramica cun lajet da muntogna

Motta Naluns (2142 msm) - Chamona Naluns - Alp Clünas -
Lai da Minschuns (2642 msm) - Alp Laret - Ftan (1644 msm)

Durada: 5 ½ uras
Differenza d'atezza: 500 m ensi, 1500 m engiu

Sch'ins parta cun la pendiculara a Scuol, ins gudogna subit temp ed autezza, arrivond si Motta Naluns. Ins tscherna la senda en direcziun Chamanna Clünas. Da là ins traversa la senda che vegn da Prui, chaminond a sanestra e circolond l'entir flanc dal Piz Clünas, enfin davos l'auai. Là ins sa tegna da vart dretga per arrivar senza fadias tar il lajet da Minschuns. (Tgi che vul, po anc ir fin sin il Piz Clünas, var 150 m pli aut). Per turnar vers chasa ins tscherna la senda che maina al Mot da l'Hom ed Alp Laret. Igl è previs dad ir giu per il guaud, per arrivar a Ftan, ma ins po er ir per lung da la via d'alp, main stippa.

Spezial vi da quella tura:

La flora si Motta Naluns: prads entirs d'arnica (attenziun betg as laschar tentar da cleger ellas, ellas èn protegidas). Il panorama da la pizza bizarra da las Dolomitas da l'autra vart da l'En, (Piz Plattas, Piz Nair, Plavna dadora, Piz Zuort e la gruppa dal Pisoc).

Il lajet da Minschuns, ina restanza tipica d'in dratguir furmà tras la retirada dal glatscher, fa in bel spievel verdent. Da quella colur è qua er la gonda: numnadamain da serpentinit (crappa per part verd stgira u cun fatscha verd clera e glischanta, dal smatg e la chalira durant la metamorfosa).

Il traject fin tar l'Alp Laret è cumadaivel e maina tras pastgira betg fitg inclinadas. Pli stip vegni alu giu per la senda da guaud, che maina a Clerai ed a Ftan.

Ustaria ins chatta a Motta Naluns, Alp Laret ed a Ftan.

Equipament

- Satgados cun avunda bavrondas e marena
- Chalzers e vestgadira da viandar, protecziun da sulegl e plievgia

Quella tura ins po er far cun uffants che chaminan gugent.